



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMUNA JUNIK
OPŠTINA JUNIK – MUNICIPALITY OF JUNIK



REFERENC-Ë:	Numër: 02-10/22
PËR/ZA/TO:	Anëtarët e Kuvendit Komunal Junik
NGA/OD/FROM	Shpejtim Gacaferi - Kryesues i Kuvendit Komunal Junik
DATE/A	27.09.2022
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL:

Me rastin e mbajtjes së mbledhjes së dhjetë (10) të Kuvendit të Komunës së Junikut, me datë: 27.09.2022, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Shpejtim Gacaferi: i cili në fillim përshëndeti Kryetarin e Komunës z. Ruzhdi Shehun, nënkryetarin e Komunës së Junikut z. Besart Tofaj, drejtoret e drejtorive komunale, anëtarët të Kuvendit Komunal, zyrtarët Komunal dhe gjithë të pranishmit. Në mbledhje nga drejtoret prezent ishin: znj. Leunora Shehu-AD, znj. Vjollca Qestaj-DBF, znj. Gentiana Tofaj-DZHE, z. Zenun Shala-DUKM, z. Xhavit Velijaj, z. Fatos Shala-DSHMS, z. Demokrat Ganijaj-DSHPMS.

Anëtarët prezent

1. Shpejtim Gacaferi - Kryesues, LDK
2. Sadri Krasniqi – Anëtar, LDK
3. Alfred Gaxherri - Anëtar, LDK
4. Albertina Gacaferi - Anëtare, LDK
5. Ermelinda Lllolluni - Anëtare, LDK
6. Lirjeta Shehu - Anëtare, LDK
7. Leonard Lllolluni - Anëtar, AAK
8. Zenel Maloku - Anëtar, AAK
9. Dervish Bajraktari - Anëtar, AAK
10. Rajmonda Krasniqi - Anëtare, AAK
11. Erleta Qestaj - Anëtare, AAK
12. Festina Maloku - Anëtare, AAK
13. Lulzim Gacaferi- Anëtar, LVV
14. Eliza Pepshi-Anëtare, LVV
15. Xhemë Tofaj-Anëtar LVV

Rendi i ditës

1. Shqyrtimi dhe miratimi i procesverbaleve nga mbledhjet e kaluara,
2. Formim i Grupit të punës për hartimin e projekt Planit të punës së Kuvendit të Komunës së Junikut për vitin 2023,
3. Shqyrtimi dhe miratimi i projekt Buxhetit të Komunës së Junikut për vitin 2023,
4. Shqyrtimi dhe miratimi i plotësim-ndryshimeve të projekt Rregullores për Tatimin në Pronën e paluajtshme për vitin 2023,
5. Shqyrtimi dhe miratimi i kërkesës për fillimin e procedurave për plotësim-ndryshim të Rregullores për taksa, ngarkesa dhe gjoba Komunale për vitin 2023,
6. Bartja dhe rritja e të hyrave vetanake,
7. Shqyrtimi dhe aprovimi i kërkesës së Drejtorisë për Kadastër dhe Mjedis për përmirësimin teknik të emrave të rrugëve,
8. Të ndryshme.

1. Shqyrtimi dhe miratimi i procesverbaleve nga mbledhjet e kaluara,

z.Lulzim Gacaferi, përshëndetje për të gjithë, unë kërkoj nga procesmbajtësi që të ketë më shumë parasysh drejtshkrimin.

z.Shpejtim Gacaferi, tjetër vërejtje nuk ka, i qes ne votim dy procesverbalet nga mbledhjet e kaluara, kush është për, për? 15 vota për, kundër 0 vota, abstenim 0 vota, konstatoi se procesverbalet nga mbledhjet e kaluara miratohen.

2. Formim i Grupit të punës për hartimin e projekt Planit të punës së Kuvendit të Komunës së Junikut për vitin 2023,

Shpjegimin dhe arsyetimin e Formimit të Grupit të punës për hartimin e projekt Planit të punës së Kuvendit të Komunës së Junikut për vitin 2023, para anëtarëve të Kuvendit e arsyetoje Kryesuesi i Kuvendit, z. Shpejtim Gacaferi, i cili sqaroi se pjesë e këtij grupi nga viti i kalura ishin: 1. z.Shpejtim Gacaferi-LDK, 2. znj.Albertina Gacaferi-LDK, 3. znj. Erleta Qestaj-AAK 4. znj.Eliza Pepshi-LVV 5. znj. Leonora Shehu-Ekzekutivi, po pres propozime të reja.

z.Sadri Krasniqi, përshëndetje për të gjithë, ne si grup propozojmë të njëjtit anëtar të vitit të kaluar.

z.Leonard Lolluni, përshëndetje për të gjithë, edhe grupi i AAK-se propozon të njëjtën anëtare znj.Erleta Qestaj.

z.Lulzim Gacaferi, edhe nga grupi i LVV-je, mbete propozimi i njëjtë znj.Eliza Pepshi.

z.Shpejtim Gacaferi, atëhere edhe nga Ekzekutivi mbetet e njëjta anëtare znj. Leonora Shehu, e qes në votim, kush është për këtë përbërje? për 15 vota, kundër 0 vota, abstenim 0 vota, konstatoi se grupi i punës për hartimin e projekt planit të punës së kuvendit të komunës së Junikut për vitin 2023 u miratua.

3. Shqyrtimi dhe miratimi i projekt Buxhetit të Komunës së Junikut për vitin 2023,

Shpjegimin dhe arsyetimin e miratimi të projekt Buxhetit të Komunës së Junikut për vitin 2023, e bëri Kryetari i Komunës z.Ruzhdi Shehu, i cili fillimisht i përshëndeti të gjithë të pranishmit me pas e sqaroi dhe e arsyetojë projekt buxhetin e Komunës së Junikut për vitin 2023 para anëtarëve të Kuvendit.

z.Sadri Krasniqi, ne sote po e diskutojmë kornizën buxhetore për vitin 2023, siç e dimë është dokumenti më i rëndësishëm i komunes, i cili tregon qasjen dhe zhvillimin ekonomik të komunes, nga kryetari komunes dhe ekzekutivi, ne si grupi i LDK_së e kemi analizuar këtë buxhet dhe mendojmë se i planifikuar dhe i ndërtuar shumë mire, shihet se ka ngrite buxhetore nga buxhetet e më parshme, kjo është për tu lavdruar, dhe ne mendojmë se ku buxhete shkon sa më afër qytetarit, si në bujqesi. Si grupi e përkrahim dhe do ta votojmë.

z.Leonard Lolluni, sa i përket kronizet afatmesme buxhetore 2023-2025, sipas meje dhe sipas grupit të AAK_së mendoje se komuna e Junikut nuk ka patur asnjë herë planifikim buxhetor kaq racional, ku një komunë e vogël si komuna e Junikut ndan për mallra dhe shërbime 236000€, ndërsa planifikon shpenzime kapitale 380000€, sa i përket shpenzimeve kapitale, nuk ka ndonjë projekt që është racional për qytetarët e komunës së Junikut, që ka qenë edhe premtim i Kryetarit të Komunës, as një premtim të kryetarit nuk e keni futur në buxhet për vitin 2023, u përmend se ka patur rritje të buxhetit, unë e shtroj pyetjen se për se nuk keni planifikuar rritje të të hyrave edhe për 2023 por e keni lënë ashtu 159000 prape për të hyra vetanake. Të projektet kapitale kemi të ndara 20000€ për blerjen e veturës, dhjetë vetura keni në oborr, para dy viteve kemi blerë një veturë të re dhe prap parashikoni që për vitin e ardhshëm ta bleni një veturë 20000€, e për projekte kapitale keni ndarë 10000€ për hapjen e rrugëve në fshatin Gjocaj, në vend që ta funksionalizoni rëntgenin që është edhe premtim i kryetarit ju doni të bleni veturë të re 20000€, premtim tjetër është edhe rregullimi i shiheshit të qendrës së Junikut, këtu e keni cekur rregullimin e shehit të qendrës e aty shihet se nuk dihet burimi i financimit, ndërsa me vonë si dokument na vije përmes e-mailit, lista e projekteve dhe në atë listë nuk është i përfshirë ky projekt dhe ne tani nuk dimë se cilat projekte janë dhe cilat nuk janë, dy projekte janë në drejtorinë shërbimeve publike, njëri është rregullimi i rrugëve lokale ndërsa tjetri është në mallra dhe shërbime prap thotë infrastruktura rrugore kjo është e pa çartë, ne si grup i AAK_se nuk do ta përkrahim këtë projekt buxhet.

z.Lulzim Gacaferi, sa i përket projekt buxhetit për vitin 2023, do ishte shumë më mirë që kryetari i komunës të ulet me ne si LVV para se ta bente këtë projekt, ne kemi një marrëveshje LDK-LVV, ku unë personalisht ndihem kënaqur që kemi atë marrëveshje, ku me anën e asaj marrëveshje kanë ardhur ndryshimet në Komunën e Junikut, unë do doja që sot ta votoja këtë projekt buxhet me grupin e LVV_ mirëpo duke e marrur parasysh që ne kishim një marrëveshje e që në atë marrëveshje është e cekur që projekti që unë e kisha bërë me LVV_je për komunën e Junikut për vitin 2021 dhe ai projekt nuk ekziston më është shuajtur, na është thënë se nuk mundemi ta realizojmë këtë projekt sepse preken jo prona private, jo prona publike, por mbi të

gjitha është injorimi që na është bërë si LVV_je, nuk jemi ftuar asnjëherë për këtë projekt buxhet ta planifikojmë bashkërisht siç kishim një marrëveshje andaj ne si LVV_ për fat të keq nuk do ta votojmë këtë projekt buxhet.

z.Ruzhdi Shehu, te mallrat dhe shërbimet hynë edhe mirëmbajtja e rrugëve gjatë dimrit, furnizimi me dru për djegie për shkollat janë çështje që e kanë ngritur këtë kategori sepse nuk janë çmimet që ishin ka ngritje, çështja tjetër e veturës, te them te drejtën aspak me dëshirë nuk e kemi futur në këtë projekt buxhet, por arsyeja është se asnjë veturë nuk është funksionale, tri here kemi hapur tender për mirëmbajtjen e tyre dhe nuk ka aplikuar askush, dhe ne kemi menduar që një veturë po na nevojitet që drejtorët dhe zyrtarët të udhëtojnë me te për në Prishtinë sipas nevojave të drejtorëve dhe zyrtarëve, është e domosdoshme që të kemi mundësi të funksionojmë si komune jo për lluks, ndërsa sa i përket çështjes së rregullimit të sheshit qendër të Junikut ne e kemi futur si projekt, por se pari duhet ekspertët ta japin mendimin e vet dhe me pas të flasim me grupet e interesit me qytetarët e me pas ta kemi një projekt të detajuar kështu shkohet kjo, ne e kemi paraparë në kornizën buxhetore për vitin 2024, 2025.

z.Lulzim Gacaferi, projekti është por ju na keni injoruar neve si LVV_je.

z.Zenel Maloku, përshendetje për të gjithë, u fol për veturë, unë e di se këmbë nuk udhëtoni por unë propozoi që ti shitni tri vetura të vjetra dhe ta bëni një, dhe tjetër është që do ishte mirë që të diskutoni me të gjithë këtu në kuvend se votat e të gjithë Junikut janë këtu, do ishte shumë me mirë të bisedohet edhe me delegatët e këtij kuvendi dhe sipas mendimit tim shumë më mirë do ishte dalë ky projekt buxhet.

z. Shpejtim Gacaferi, ne kemi mbajtur dëgjime publike kush ka dashur të vijë ka ardhur kush nuk ka dashur mos me ardhë nuk ka ardhur, dhe asnjë here me parë si këtë vit nuk kanë mbajtur dëgjime publike. Si për këtë projekt buxhet propozime tjera nuk ka, e qes në votim projekt buxhetin për vitin 2023 kush është për? për 6 vota. Kundër 8 vota, abstenim 1 votë, konstatoi se projekt buxheti për vitin 2023 nuk miratohet.

4. Shqyrtimi dhe miratimi i plotësim-ndryshimeve të projekt Rregullores për Tatimin në Pronën e paluajtshme për vitin 2023,

Shpjegimin dhe arsyetimin e miratimi i plotësim-ndryshimeve të projekt Rregullores për Tatimin në Pronën e paluajtshme për vitin 2023, e beri Drejtoresha e Buxhetit znj. Vjollca Qestaj, e cila fillimisht i përshëndeti të gjithë dhe me pas e sqaroi dhe e arsyetoj para anëtarëve të Kuvendit plotësim ndryshimin e projekt rregullores për tatimin në pronë.

z. Shpejtim Gacaferi, propozime nuk ka, e qes në votim plotësim-ndryshimin e rregullores për tatimin në pronën e paluajtshme për vitin 2023 kush është për? për 15 vota, kundër 0 vota abstenim 0 vota konstatoi se plotësim ndryshimin i rregullores së tatimit në pronën e paluajtshme për vitin 2023 u miratua.

5. Shqyrtimi dhe miratimi i kërkesës për fillimin e procedurave për plotësim-ndryshim të Rregullores për taksa, ngarkesa dhe gjoba Komunale për vitin 2023,

Shpjegimin dhe arsyetimin e miratimi i kërkesës për fillimin e procedurave për plotësim-ndryshim të Rregullores për taksa, ngarkesa dhe gjoba Komunale për vitin 2023, e beri Drejtoresha e Zhvillimit Ekonomik, znj. Gentiana Tofaj e cila fillimisht i përshëndeti te gjithë me pas e sqaroi dhe e arsyetoi para anëtarëve të kuvendit kërkesën për fillimin e procedurave për plotësim-ndryshim të rregullores për taksa, ngarkesa dhe gjoba komunale për vitin 2023.

z.Leonard Lolluni, faleminderit Kryesues, faleminderit Drejtoreshë, është mirë që kemi këtë kërkesë për fillimin e procedurave për plotësim-ndryshim të rregullores për taksa, mbetet shqetësuese se me siguri edhe kjo qeveri do të merr rekomandim nga auditori sa i përket borgjit nga bizneset, dhe këto borgje ose duhet të inkasohen ose duhet që ky kuvend të merr një vendim që ti falë këto borgje.

znj.Gentiana Tofaj, po është e vërtet se bizneset kanë shumë borgje, ne fillimisht ju kemi dërguar vendimet ne fillim të muajit Mars siç kërkohet me rregullore, një pjesë e tyre kanë paguar, tani se fundi ju kemi dërguar prap njoftimet për pagesë se nëse nuk munden ta paguajnë borgjin komplet munden të bëjnë kontratë me ne që ti paguajnë pjesë pjesë, por nëse edhe me këtë mënyrë nuk kemi përgjigje atëherë duhet të shikohet mundësia që o me i inkasuar përmes përmbaruesit o Kuvendi të merr vendim për faljen e borgjeve.

z.Zenel Maloku, unë e di se borgji duhet të lahet, se përndryshe nëse merret tani borgj e te thuhet mbas tri viteve nuk po muj me e la borgjin kështu unë isha bere milioner.

z.Shpejtim Gacaferi, propozime tjera nuk ka e qese ne votim kërkesës për fillimin e procedurave për plotësim-ndryshim të Rregullores për taksa, ngarkesa dhe gjoba Komunale për vitin 2023, kush është për? Për 15 vota, kundër 0 vota abstënim 0 vota, konstatoi se kërkesës për fillimin e procedurave për plotësim-ndryshim të Rregullores për taksa, ngarkesa dhe gjoba Komunale për vitin 2023 u miratua.

6. Bartja dhe rritja e të hyrave vetanake,

Shpjegimin dhe arsyetimin e Bartjes dhe rritja e të hyrave vetanake, para anëtarëve të Kuvendit e beri fillimishte Kryetari i Komunes z.Ruzhdi Shehu, me pas për arsyetim me të detajuar fjalën ja kaloj, znj. Vjollca Qestaj e cila me pas e sqaroi dhe e arsyetoi bartjen dhe rritjen e të hyrave vetanake para anëtarëve të kuvendit.

z.Leonard Lolluni, faleminderit kryesues, faleminderit drejtoreshë, do ishte mirë që këto sqarime që i bere ti kishim edhe ne dokument, dhe kur te na vije dokumenti te jene te shkruar dhe kur ta votojmë ta votojmë taman dokument, te projekti 66405 planifikimi i urbanizimit për realizimin e hartimit te projektit e sheshit qendrës se Junikut, mendojë se është vonë ti bartim këto mjete për këtë vite sepse mendoj se këtë vit nuk do te fillojë te punohet diçka ne këtë drejtim.

z.Ruzhdi Shehu, këtë vit jo por vitin tjetër.

z. Leonard Lolluni, por atëherë prap duhet ti bartim këto mjete ne raste se nuk shpenzohen këtë vit, do ishte mire qe bartja e mjeteve te behet me vone dhe këto mjete dhe ato mjetet qe grumbullohen tani e tutje.

z. Artan Hamza, përshëndetje për te gjithë, sa i përket këtyre procedurave dihet se këto mjete nuk do te shpenzohen ne tersi këtë vit te gjitha, por janë te hyra vetanake dhe nuk rrezikohet humbja e tyre, mire por qe te fillohet te nënshkruhet një kontrate kërkohet qe te këtë mjete financiare te ndara për atë kategori për te filluar procedurat e prokurimit.

z. Shpejtim Gacaferi, propozime tjera nuk ka, e qes ne votim, bartja dhe rritja e të hyrave vetanake, kush është për? Për 7 vota, kundër 7 vota, abstenim 1 votë, atëherë me votën time te dy fishtë, miratohet bartja dhe rritja e të hyrave vetanake.

7. Shqyrtimi dhe aprovimi i kërkesës së Drejtorisë për Kadastër dhe Mjedis për përmirësimin teknik të emrave të rrugëve,

Shpjegimin dhe arsyetimin e kërkesës së Drejtorisë për Kadastër dhe Mjedis për përmirësimin teknik të emrave të rrugëve, e beri Drejtori i Kadastrës, Urbanizimit dhe Mjedisit, z. Zenun Shala, i cili fillimisht i përshëndeti te gjithë dhe me pas e sqaroi dhe e arsyetoi kërkesën së Drejtorisë për Kadastër dhe Mjedis për përmirësimin teknik të emrave të rrugëve, para anëtarëve te kuvendit.

z. Leonard Lolluni, faleminderit kryesues, do ishte mirë qe ti shtohet parashtresa p.sh. ne tabelë te shënohet rr. UÇK_së

z. Zenun Shala, kjo është kërkuar qe te hiqet Rruga e UÇK_së por të jetë vetëm rr. UÇK_së

z. Shpejtim Gacaferi, propozime tjera nuk ka, e qes ne votim kërkesën e Drejtorisë për Kadastër dhe Mjedis për përmirësimin teknik të emrave të rrugëve, e qes ne votim kush është për? për 15 vota, kundër 0 vota, abstenim 0 vota, konstatoi se kërkesa e DUKM për përmirësimin teknik te emrave te rrugës u miratua.

8. Të ndryshme,

z. Lulzim Gacaferi, çështja ka te beje me punimet te stacioni i autobusëve, aty nuk është duke u punuar sipas kontratës se nënshkruar ne mese Komunës se Junikut dhe operatorit andaj kërkojë qe komuna te shtojte kontroll, ne kontratë ne piken 2.1 nëse nuk gaboje, shkruan qarte se operatori ekonomik e ka për obligim qe përpos hapjeve te themeleve ka për obligim edhe 200 m² asfalt ti largoi dhe ti dërgoj ne deponi, operatori ekonomik e ka prerë asfaltin vetëm aty ku hapen themelet ndërsa pjesa tjetër e asfaltit qe lëshon edhe materie kimike te dëmshme për shëndetin e njeriut ka mbetur aty, unë kërkojë qe te me jepni sqarim a ka komuna e Junikut kontrate tjetër a ka kontrollë se si po punohet apo edhe tani po ecet me avazin e ish kryetarit Agron Kuçi?

z. Zenun Shala, unë nuk e di se asfalti lëshon materie të dëmshme, por këto çështje që i ngrite do i shikojmë, kemi ngritur komision për mbikëqyrjen e punëve në këtë komision ka inxhinier të ndërtimit dhe ata na raportojnë për ecurinë e punëve.

z. Lulzim Gacaferi, çështja tjetër ka të bëjë me arsimin, ne e dimë se arsimi për momentin gjendet në bllokadë nga greva e sindikatës, unë kam biseduar me kryetarin privatisht që ta bëjmë të mundur fillimin e mësimin për nxënësit e komunës tone, dhe mua po më intereson drejtor a keni biseduar me organet e arsimitarëve që shkollat në komune e Junikut tija fillojnë mësimin.

z. Xhavit Velijaj, përshëndetje për të gjithë, ne jemi në dijeni që greva është ka vazhdon, jo vetëm në arsim por edhe në administratë në shumicën e vendit, neve na ka ardhur një shkresë nga arsimtarët se janë në grevë nga data 25.08.2022, dhe kjo ka mbetur ashtu deri më tani, ne si DKA ligjërisht nuk kemi mundësi të bëjmë presione as në aspektin material por as në aspektet tjera që arsimtarët të ndryshojnë pozicionet e tyre, kjo ka mbetur që të zgjidhet me marrëveshje në mes qeverisë qendrore dhe sindikatave, fatkeqësisht deri më tani nuk ka një marrëveshje.

z. Lulzim Gacaferi, mua po më intereson se ju si drejtori çka keni bërë deri tani, ajo që po thua ligjërisht ajo po dihet po ju si DKA çka keni vepruar, sepse ne qoftë se janë në pyetje 50€ aty unë jam në gjendje të ju paguaj secilit mësues në komunën e tonë vetëm që të mos ndëshkohen nxënësit tanë, jam në gjendje të bëjë kontratë me juve që pagesa prej 50€ të ju bëhet secilit mësues vetëm të nis mësimin.

z. Xhavit Velijaj, nuk është çështja vetëm në komunën tone por kjo çështje është në nivel vendin, është organizim sindikal, kanë vendime që janë të njohura për gjithë ne dhe nuk varet prej DKA_së.

z. Leonard Llojuni, faleminderit kryesues, me qen se jemi në piken të ndryshme, unë e kam marrë nga qytetaret si shqetësim furnizimin me dru që zyra e parkut nacional nuk po lejon qytetaret që të furnizohen me dru për dimër nga pyjet e tyre, e ku ne e dimë se ka shumë pyje që duhet të pastrohen nga drutë e thatë dhe të dëmtuara, dhe më intereson a ka bërë komuna presion që zyra e parkut nacional të fillojë të lëshojë leje për dru për djegieje.

z. Ruzhdi Shehu, ka një muaj apo edhe më shumë që ne ju kemi dërguar kërkesë parkut nacional dhe ende nuk kemi një konfirmim nga ana e tyre. Por këtë shqetësim e kemi diskutuar edhe në takime që kemi pasur në kryetaret e komunave të regjionit të Dukagjinit me ministrinë por edhe aty nuk kemi një përgjigje, ndërsa sa i përket çështjes së fillimit të mësimin është shqetësim me të drejtë, unë kam biseduar me personat adekuat të sindikatës në komunën e Junikut dhe si Komune nuk mundemi të detyrojmë as të marrim masa kundër tyre, mirëpo si komune jemi të interesuar që të krijohet klimë e mirë për fillimin e mësimin sepse është edhe interes i yni që mësimi të fillojë, shpresoj që kjo çështje të marrë fund sa më shpejt edhe në nivel qendror dhe po shpresojmë që kjo të marrë fund sa më shpejt, është çështje e ndjeshme dhe na shqetëson edhe neve.

z.Dervish Bajraktari, përshëndetje për te gjithë, unë kam disa pyetje për drejtorin e shërbimeve publike, çështjen e parë është rruga te “xhamija e qokit” e cila është ngushtuar nga therrat dhe ka vetëm një anë te kalueshme, çështja tjetër ka te beje me kanalin e ujit qe gjendet afër stacionit te autobusëve, dje ka pasur reshje te shiut dhe nga ky kanal kanë dalur mbeturina dhe ujë ne rrugë, ku qytetaret e kanë pasur te pa mundur te kalojnë do kishte qenë mirë qe te ndërmerrni diçka për këto çështje.

z.Zenel Maloku, unë e përshëndes propozimin e z. Lulzim Gacaferi i cili propozoi qe ti paguaj mësuesit e shkollave te komunën se Junikut me nga 50€ vetëm qe te filloje mësimi, e ne këtë aspekt unë i lus kryetarin e komunës dhe drejtorin e arsimit te ulen me mësuesit e shkollave dhe te gjejnë zgjidhe qe mësimi te filloj sa më shpejtë në Komunën e Junikut, çështja tjetër ka te beje me malijet e fshatrave Jasiq dhe Gjocaj qe janë mbi zonën qe kontrollohet nga komuna e Junikut, e une e kisha lutur kryetarin qe brenda mundësive te bisedoje me rojet e malit dhe me policinë qe neve qytetarve te ketyre dy fshatrave te na mundësohet ti pastrojmë malet tona dhe te furnizohemi me dru djeg-je për dimër sa është moti i përshtatshëm, çështja tjetër është nuk e di a keni qen me e pa rrugën qe është ka ndërtohet ne rrugën Jasiq-Gjocaj aty janë vendosur disa mbrojtëse te rrugëve qe për mua shfaqin rreziqe dhe ata gurë qe janë vendosur mund te rrokullisen te mbysin kalimtarët me automjete unë ju kisha lutur qe te merni masa qe sa ma parë, unë e di se është projekt qeveritare por aty ku puna është ka behet qe rrezikohet jeta e qytetarit komuna e ka te drejtën qe tija ndaloj punimet, ndërsa çështja tjetër ka te beje me rrugën ne lagjen e epërme te fshatit Gjocaj e cila është pa rrugë, do ishte mirë qe këtë rrugë ta futni ne projekt buxhetin për vitin e ardhëm. Çështja tjetër ka të bëjë me lirimin e trotuareve për tu mundësuar nxënësve vijimin për në shkollë dhe nënkryetari na pat premtuar se do te shikojë mundësinë te bejë sinjalizimin sa me parë.

z.Ruzhdi Shehu, sa i përket rrugës per Jasiq Gjocaj, ne e kemi ndaluar asfaltimin sepse paraqet rrezik, jemi duke shikuar mundësinë me inxhinierët se si te veprohet, ndërsa sa i përket rrugës ne lagjen e eperme ne fshatin Gjocaj ajo rrugë është ne projekt buxhet për vitin e ardhëm.

z. Demokrat Ganiqaj, përshëndetje për te gjithë, këtë kërkesë për rrugën Jasiq –Gjocaj z. Zenel Maloku e ka pasur edhe me parë nuk është hera e parë qe e ngreh si çështje, por unë dua ta siguroj se ne e kemi ngritur këtë çështje dhe kemi vizituar vendin e ngjarjes s’di sa here dhe kemi thënë se kjo formë nuk është dhe e kemi ndaluar asfaltimin ne atë pjesë, ndërsa sa i përket çështjeve te z.Dervish Bajraktari ne do ti shikojmë dhe do te ndërmarrim masa.

z. Besart Tofaj, përshëndetje për te gjithë, unë kame thënë se do te behet lirimi i trotuareve me fillimin e mësimi.

z. Lulzim Gacaferi, çështja ka te beje me kompaninë për mbledhjen e mbeturinave, ne deri tash kemi pasur një kompani vendore qe ka kryer këtë shërbim e qe për mendimin tim e ka kryer shumë mirë tani kemi një kompani tjetër te pa njohur për ne, e qe deri me tani nuk kemi as fatura


dhe ne nuk e dimë se sa do te na kushtojë, desha te di a ka tender te hapur për këtë kompani sa do te na kushtoj muaji, dhe pse është shkëputur kontrata me kompaninë VB-Tofaj?

z. Demokrat Ganijaj, sa i përket kompanisë për mbledhjen e mbeturinave, kompania VB-Tofaj ka shkëputur një anshëm kontratën, kompania qe tani kryen këtë shërbime është kompani publike regjionale, çmimi për kontejner ka me qene i njëjtë.

Mbledhja e Shtatorit -2022 u shpall e mbyllur ne ora:11:35

Procesmbajtësi:

z. Esat Hoxha



Kryesuesi i Kuvendit:

z. Shpejtim Gacaferi

